

الرشاد

سنة ١٣٣٠

والله يهدي من يشاء الى صراط مستقيم ديني ، علمي ، ادبي ، سياسي هفتلق مجموعة اسلاميه در
اتبعون اهدكم سبيل الرشاد

صاحب ومدير مسئول : ح . اشرف اديب

عدد ٣٧ - ٢١٩ ٥ ذى الحجه ١٣٣٠ پنجشنبه ١ تشرين ثاني ١٣٢٨ جلد ٢ - ٩

دیده شدی. بز نیچون، بو کونکی حاله قارشى دشمنلری ممنون وامیدوار، دوستلری، محزون مأیوس براقه جق برطور نومیدی آلیورز.

سجایای قومیه مزیمی غائب ایتدک، الطاف الهیه دغنی امیدمزی کسده؟ فتور، یأس قدر برملتی محو ایدن مصیبت اوله مز. تاریخ بشریتده برتبدل عظیم اجرا ایدن، فاتحک ایلک دور سلطنتده ملت عثمانیه ینه بویله بر هجوم قارشیسنده بولنماشمیدی. اوزمانلرده سلطان مراد ازوایه چکیله رک تحت سلطنتی هنوز یک کنج اولان مخدومه ترک ایتمه سنی فرصت عد ایدن اهل صلیب اردولری روم ایلییه هجوم ایتمش، عثمانیلری بو یاردن سوروب چیقارمق سودای مجنونانه سینه قایلما مشلمیدی. فقط بو هجومله، بوعهد شلکله قارشى، مفاخر ملیه مزى شانلی وفوق التصور شهامتله ابدیاً یاشاتان اجدادیمز اصلا فتور کوسترمامش، الی سلاح طوتان هر فرد عثمانی ناموس ملی یی، وطن عثمانی قورتارمق ایچون حدود بویلرینه اوچشدی.

عثمانیلر جهانلری حیرتله ده براقه جق خارقه لر کوسترمکده یکتا دکلمیدر؟ دشمنلریمز بیله بو حقیقتی اعتراف ایتیورلرمی؟ بو کون بز نیچون بو خارقه لری کوسترمیم. بو کون نیچون، اسلافز کبی، عزم ایله، ثبات ایله، قهرمانانه متانتله دشمنلریمز قهر و تنکیل ایتیم. بو کون وطن جدأ تهلکه ده.

عثمانیلر تاریخ موجودیتلرینک ال بحرانلی بز زمانی کچیریورلر. بویله بزمانده بلا تفریق هر کس، ثروت قادین، ارکک، چوجوق، اختیار هر کس الیدن کلدیکی، قدرت مالیه و بدنیه سنک مساعد اولدینی درجه ده وطنی قورتارمق ایچون چالشمغه مجبوردر.

(حب الوطن من الایمان) حکمتی اونوتماق ایجاب ایدر. دشمن کلور دیه وطنلرینی، کویلرینی براقوب استانبوله قوشمق، وظیفه باشنی ترک ایدوب بر کوشه یه صیویشمق عثمانلیق شانیه یاراشمز. چوجوق. قادین و اختیارلرک، حربه قدرتلری، محاربلره معاونتلری اوله مینلرک چکیلمه سینه برشی دینیه مز. فقط دشمن قارشوسبنده چاریشان عسکرلره بر باردق صو یتشدیره بیله جک قدر بر قدرتی حائز اولانلرک اوتیه برییه صیویشمه لری عفو ایدلر بر جنسایت، اللهه، پیغمبره، دین مینه قارشى عظیم بر خیانتدر. بلغار و یونان بومباچیلرینک نصل چالیشدقلرینی، هم عرقلرینک تأمین مظفریتلرینه، جانلریله، ماللریله، نه وهت بوتون موجودیتلریله نه یولده بذک مساعی ایتدکلرینی، نه قدر وخیم تهلکه لره آتیلدقلرینی کوره رک بر عبرت و غیرت اولسون آلیورمی بز؟ چشم انتباهمزی آچق ایچون دها نه بکلورز. ایشه بو کون اوچورومک باشنده بولنیورز.

رضای باری یی جلب، روح محمدی یی شادان ایده جک آثار حیات و غیرت کوسترمز سنک اوچورومه یو وار لایمق محققدر. یأس ایله، بیهوده لفاقه لرله، حکومتی، وظیفه اران عسکریه یی اشغال ایده جک صاحبه صاپان تنقیدلره حرب قازانیلمز.

اولا بو حربده غالب کله جکمز - فقط هر فرد عهده سینه ترتب

ایدن وظیفه یی بحق ایفا ایتک شرطیه - ایمان ایتلی بز. ثانیاً اوافق تفک و قعله لر، خوشمزه کیمه یی حادثه لر، حتی وخیم فلاکتلر پای عزم و ثباتمزی صارصا ملیدر. بزى هیچ بز زمان یأس و نومیدییه دوشورمه ملیدر. مغاسمز هیجانلر، لزومسز تلاشلره طوتیلماق قدر مغلوبیتی احضار ایدن برحالت روحیه اوله مز.

بز سوزلریمزله، ایشلریمزله و الحاصل هر حرکتیمزله حدود باشنده دشمنلره چاریشان قارداشلریمزه نمونه مردانکی اولملی کندیلرینه پیام عزم و ثبات کوندرملی بز.

میدان جنک وجداله جنته قوشار کبی بر شوقله آتیلان عثمانلی قهرمانلری شرف عسکرلرینی، شهامت قومیه لرینی داستان ظفرلرینی، یقینده؛ نه وهت عنایت باری، امداد روحانیت احمدی ایله یقینده یک پارلاق موفقیترلره تنویج ایده جکلر، بوتون کائناتی حیرتله دوشوره جک خارقه لر کوستره جکلردر.

بز، عهده مزه ترتب ایدن وظائفی جانسپارانه، فقط سکونتله تلاشسز، هیجانسز بر صورتده ایفایه چالیشم. قهرمان اردولریمزک لوازمات و احتیاجاتک وقت و زمانیه تأمیننه صرف مقدرت ایده لم. اونلره توفیق بارییه استناداً (نصر من الله وفتح قریب) کلبانکیله اعدای متفقہ یی؛ لشکر عزم اولسه لر بیله؛ عنایت باری ایله نارمار ایده جکلردر. بوکا شبهه ایتیم:

[وسیعلموا الذین ظلموا ای منقلب ینقلبون]

مدالی: م. شمس الدین

احکام قرآنیه نک ایفاسی ایچون علما دعوتنامه رسمی

بکله یور!

بز مسلمانلرده غریب برحالت روحیه واردر: کندمز توجیه ایدن وظیفه یی بالذات تقدیر ایدرک ایفایه شتاب اولق بزده هیچ کورولمه مشدر. وظائف اجتماعیه شویله دورسون، وظائف شخصییه ده بیله بو حالت روحیه حکمراندر. چالشمق، اسباب حیاتییه یی تأمین ایتک، هر کسک طوغریدن طوغری به شخصه توجیه ایدر بر وظیفه در؛ اوله ایکن چالیشمایور، عطالتی ترک ایتیور، مسکنتله، ذلله محو اولوب کیدیورز. وظائف اجتماعییه ده ایسه کندمزی بسبتوز دارایه چیقارمشر. بو حال، کیت کیده اودرجه یه وارمش که وظائف دینیه نک بیله ایفاسنده بر دعوت رسمیه بکلورز. ظن ایدرم، مناره لرده مؤذن دعوت ایتسه نمازی بیله اداده کندمزی معذور کوره جکز. بو حالت روحیه مملکتک یا کز عوام طبقه سنده دکلد؛ امتک رهبری اوله جق ذوات بیله ایفای وظیفه خصوصنده تبلیغ رسمی بکله یور.

ایشته علمای کرام! دعوتنامه رسمی تسطیر ایدلمکجه هیچ برینک دارالجهاده عزیمتی کورولمادی، ایشیدیلدی. دوشونملی، رهبر

اولش، شیرازہ سی بوزولمشدی. اسکین اردومن «یاغازی،
یا شہید، دیر، اعلائی کلمۃ اللہ ایچون جانی فدادن ذرہ قدر چکنمز،
وسبیل اللہ شہادت الی بویوک بر سعادت عد ایدردی.

اونک ایچون اردوی اسلامک بوقیل رجعتی هیچ برزمان
کورولمہ مشدی. فقط اوزمان ہرنفرک فکرنده، حرکتہ باشقہ
برغایہ وار ایدی. برچوق اقوام اسلامیہ عینی سنجاق التہ طویلایان
وجانی فدا ایتدیرن اوغایہ مقدسہ ایدی. بزم نفلرمنز هیچ برزمان
طوبراق قاوغاسی نہ در بیلیمہ مش، «تورکک ایدہ آلی» نہ در اکلاما-
مشیدی. ہر نہ زمان حربہ چاغیرلمش سہ «ہایدی محمد، دینک
مدافعہ سنہ!» دیہ دعوت ایدیلشدی. هیچ بروقت او، طوبراق
قاوغاسنہ چاغیرلماش، هیچ برزمان اوکا «ہایدی ای تورک اوغلی
تورک» دینلمہ مشدی. شیمہ دی اکلامدینی برخطابہ معروض قالدی.
اونک ایچون املسز، غایہ سز حرکت ایتدی؛ نتیجہ نہ اولدینغی
اودہ بیلہ مدی. اونکلہ برابر بتون جہان دہ حیرتہ قالدی.

جناب حقہ بیکلر جہ شکرکہ، متفکرین ایلہ افراد امت آرہ سندہ
آجیلان حفریہ ملت بتون بتونہ گومولہ دن بو حقیقت آکلاشیلدی.
اردونک شیرازہ سی طویلانمہ، روح قدیمی نفخ ایدلہ یہ باشلانندی.
انشاء اللہ جناب حق نصرت احسان بیورور.

§ صوکر اسلام ایچون هیچ غرور جائز اولمادینی حالہ، پک
زیادہ آتیلدی، طوتولدی. نصرت اللہ دن دکل، چوقلقدن، یاخود
فلان فلان قومدن بکلہ نیلدی.

قوص قوجہ برتورک ایمپراطورانی! دونکی بالقان حکومتلرینہ
هیچ مغلوب اولورمی؟ دینلدی. اولماق لازم کلیر اما، اللہی
اونودوبدہ چوقلقہ، ایمپراطورلغہ کومہ ندیکمز ایچون اللہ مغلوبیت
آجینسی طانیدردی. مع مافیہ بو حقیقت دہ اکلاشیلدی. غرتہ لرده
هیچ قالہ آلمیان «عون حقہ»، «انشاء اللہ» سوزلری کورولمہ یہ
باشلادی. نتیجہ دہ ظفرینہ اسلامہ متوجہ اولہ جنی الطاف اللہ دن مامولدر

تفرقہ نك صوکی مماندر

صوکر ملت فرقلہ بولوندی، ہر فرقہ دیکرینک دشمن جانی
کسیلدی. کیت کیدہ اقوام اسلامیہ آرہ سنہ تفرقلہ صوقولدی. ملت صوک
درجہ احتراماتہ دوشدی، پک زیادہ آغینلاشدی؛ نہ بویوک یاغینلاردن متنبہ
اولدی، نہ زلزلہ لردن اوصالندی، نہ دہ امراض ساریہ دن تدہش ایتدی؛
او درجہ یہ کلدی کہ «فلانی فلان یردہ کورمکدن ایسہ کاووری اورادہ
کورمہ یہ راضی یم» دینلمہ یہ باشلادی، بو حال نہایت الامر غیرۃ اللہ
طوقوندی، ملت بر جزای عمومی یہ کسب استحقاق ایتدی، ملت
کندینی طویلامق ایچون اللہ دہ اولہ بر بلا ویردی کہ نہ فرقہ قالدی،
نہ احتراض؛ نہ مجلس قالدی، نہ قلوب. باقی قالان بو قبہ دہ بر خوش
صدا ایش. «ولاتنازعوا فتفشلوا و تذهب ریحکم» نزعی، چکیشمہ یی
براقتکز؛ زیرا صوکر شوکتکز کیدر، روزکارکز اسمز اولور
حقیقتی تجلیساز اولدی.

امت اولہ جق ذواتہ کی حالت روحیہ یی کورملی. دشمنلر حدودی
کچدی؛ اسلام مملہ تترینی یاقدی، خراب ایتدی؛ بیکلر جہ
معصوملری اولدوروب، محو ایتدی؛ یا مادیفی شاعت، اجرا ایتدی
فضاحت قالمادی؛ روم ایلیدہ یوزلر جہ معبد توحید ظلمت کفر ایلہ
طولدی، قبہ لرینہ ہلال توحید یرینہ صلیب تثلیث طاقلدی، منارہ لرندہ
اذان محمدی یرینہ چاکلر چالینیور؛ اہل صلیب اردولری بونلرلہ دہ
قناعت ایتیمہ رک مرکز خلافتہ یورویور، اون اوچ عصر دن بری دوام
ایدن خلافت جلیلہ محمدیہ یی قالدیرمق، امانات جلیلہ پیغمبریہ یی محو
ایتمک، قرآنلری یاقق ایچون جانوارلر کی صالدریور، دارالخلافہ نك
تا قبولرینہ قدر دایا نیورده بزم علمای کرام میدان جہادہ عزیمت ایچون
دعوتنامہ رسمی بکلہ یور!

دیمک قرآن کریم، ایستہ دیکر قدر «وجاہدوا فی سبیل اللہ» دیہ
مسلمانلرہ خطاب ایتسون؛ تبلیغنامہ رسمی اولمادجہ هیچ کیمسہ
کندینی بو فرمان اللہی یہ مخاطب عد ایتیمہ جک، جہادک کندینہ
فرض اولدینغی قبول ایلہ میہ جک. اولہ می؟ ای علمای دین، سویلہ یکنز،
احکام شریعت بویلہ می؟ سز، کہ شریعت اللہیہ یی هیچ برلومہ لاندن
خوف ایتیمہ رک حرفیاً امتہ تبلیغ ایلہ مأمور سکمز، نہ ایچون ایتیمہ یور،
نہ دن میدان جہادہ عزیمت ایچون دعوتنامہ رسمی بکلہ یور سکمز؟ دہا
دشمن کلمہ دن می قرآنک حکمی قالقہ جق؟ بلکہ حکومت بعض اسباب
سیاسیہ دن طولانی سزی جہادہ دعوت ایتیمکدہ معذور اولہ بیلیر؛
فقط سز وظیفہ دینہ کزی تقدیر ایدرک دہا حرب باشلار باشلاماز
عمومکمز بردن میدان جہادہ دوکولہ رک، باشلر کزدہ قرآن، اللر کزدہ
لوای توحید؛ تکبیرلرلہ اردوی اسلامی تشجیع ایدہ جک، کلمہ اللہی
اعلا ایدہ جک دکلیدیکمز؟

سزی حکومت منع ایتک شویلہ دورسون، بالعکس رسماً دعوتہ
براز محذور سیاسی وار ظنندہ بولوندینی ایچون، بو وظیفہ دینہ کزی
کندی کند کزدہ تقدیر ایتدیکمز دن طولانی سزہ متشکر قالدی.
حالبوکہ سز نہ وظیفہ اجتماعیہ کزی تقدیر ایتدیکمز، نہ فریضہ دینہ
کزی ایفا ایلدیکمز. اونک ایچون اللہک عندندہ اک شدید برمسئولیتہ
دوچار اولہ جفکمز کی، امتک نظر ندہ دہ هیچ بر موقع حیثیت و احترامکمز
قالمایہ جق. بونی اولسون باری تقدیر ایدکزدہ ہنوز وقت وارکن
تلافیہ چالیشکمز، وظیفہ کزی ایفاہ شتاب ایدکمز.

عثمانی اردوسنک قوۃ معنویہ سی

بومحاربہ مسلمانلر ایچون پک بویوک بر فلاکت اولدی؛ فقط
برچوق حقیقتلرک اکلاشیلیمسندہ سبب اولدی. بزی اوروپا لیللاشدہ
برمہ یہ چالیشان متفکرینرک اک زیادہ طوتولدقلری شی دین ایدی.
بوعصر دہ تعصب دینی اولورمی؟ دیہ مناسبت دوشدکجہ تعریضاتدن
کری قالمایورلردی. صوکر دشمنلرک دین نامنہ اعلان حربلرینی،
اردولرینک اوکندہ صلیب بدست پاپاسلری کورونجہ نہ قدر یا کلش
دوشوندکلرینی آکلادیلر. نہ چارہ کہ بزم اردومزک روحی غائب